

## **Theologia Scholastica Secundum Viam Et Doctrinam D. Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Articulus V. An idem numero actus possit simul esse bonus & malus  
moraliter?

---

[urn:nbn:de:hbz:466:1-74152](#)

denominationem extrinsecam bonitatis & malitiae moralis sumit ab actu interno voluntatis: sed iste mutatur secundum dicta: ergo etiam mutatur moralitas actus externi.

## ARTICULUS V.

*An idem numero actus possit simul esse bonus & malus  
moraliter?*

## SUMMARIUM.

1. Status questionis.
2. Assertio negativa.
3. Finis amittit bonitatem ex malitia objecti.
4. Objectum amittit bonitatem ex malitia finis.
5. Mala circumstantia destruit bonitatem objecti.
6. Non est possibile præceptum prohibitorum actus supernaturalis non directi in finem charitatis.
7. Habitus misericordis non auget positiū per eleemosynas datas ex malofine.
8. Intentio inscripendi Sacramentum ex fine venialiter malo non est moraliter bona.
9. Potest impleri præceptum per actum externum tantum materialiter bonum.
10. Intentio bona vitiat per malam electionem per se conjunctam.
11. Electione bona per malam intentionem.
12. Non vitiat bona intentio, si mala electio per accidentem coniungitur.
13. Intentio boni finis diminuit malitiam præ electionis.
14. Exorbitans affectio erga aliquem finem reddit intentionem vitiosam.

## §. I.

## Assertio negativa.

Non est dubium, actionem humanam, quæ ab operante ordinatur in malum finem, aut mala circumstantia vitiat, esse simpliciter malum, quantumvis ipsius objectum sit bonum: ut enim D. Th. hic a. 4, ad 3. *Non est actio bona simpliciter, nisi omnes bonitates concurvant, quia qualibet singulariter defectiva causat malum: bonum autem causatur ex integrâ causa, ut Dionysius in 4. cap. de divin. nomin. Controversia igitur solum est, an saltē secundum quid, actus ex fine malus possit esse bonus ex objecto; an vice versa malus ex objecto, bonus ex fine, aliave circumstantia? quemadmodum in naturalibus & artificialibus videmus, aliquid esse ex una & principali parte album, pulchrum, rectum, & secundum quid, fine ex aliqua parte nigrum, deformum, distortum.*

Conclusio. Impossibile est, ut idem numero actus habeat oppositas species moralitatis unam simpliciter, alteram secundum quid: ut sit [2] bonus ex fine, & malus ex objecto; [3] vel malus ex fine, & bonus ex objecto; [4] vel bonus ex objecto, & malus ex circumstantia. Ita Jo. à S. Th. contra Cajetanum, Serram, & alios. Videtur esse doctrina clara S. D. hic q. 19. a. 7. ad 2. & 3. & in 2. dift. 3 g. q. 1. a. 4. ad 4. Ubi sic habet: *Cum aliquis vult dare eleemosynam propter inanem gloriam, hic est unus actus voluntatis, & hic actus totus malus est, licet non ab omni eo, quidam est, malitiam habeat.*

R. P. Mezg. Theol. Schol. Tom. II.

Ratio primæ partis & universaliter ex prædictis est: quia specificativum bonitatis & malitiae moralis ita sibi contrariantur, ut ne quidem successivè eundem numero actum voluntatis possint afficere: ergo non potest fieri ut unus idemque actus sit simul moraliter bonus & malus. Neque valet dicere, possit esse bonum secundum quid, quia non minus bonitas & malitia actus, quam veritas & falsitas consistunt in individibili; est enim bonitas commensuratio actus cum objecto non solitariè considerato, sed ut vestito omnibus debitis circumstantiis, quas dicit regula rectæ rationis. Unde si una harum deficiat, jam actus est deformatus regulis rectæ rationis, & consequenter tota bonitas evanescit: siquidem non amplius subsistit prudens & practicum dictamen ac judicium honestatis, quod ad moralem bonitatem necessariò prærequisitur.

Secundæ partis ratio specialiter est: quando objectum actus est malum, finis vero bonus, tunc finis desinit esse bonus: ergo nullum actu potest tribuere bonitatem. Antec. probatur: Finis ut sic est ratio volendi media: sed ratio volendi medium malum, est mala: ergo etiam finis operantis, ut movens ad electionem mali objecti, est malus.

Tertiæ partis ratio est: Medium ordinatum ad finem malum, est malum: atqui licet actus terminetur ad objectum, quod esset ex se bonum, si tamen ordinat ad finem malum, jam illud appetit tanquam medium relatum in finem malum, & ut causam finis mali in executione: ergo appetit illud ut malum; ideo S. D. in 2. dift. 3 g. q. 1. a. 4. ait: *Cum aliquis vult eleemosynam propter inanem gloriam, hic est unus actus voluntatis, & hic actus totus malus est, &c.*

Quartæ partis ratio est: tunc actus non potest habere bonitatem ex objecto, quando bonitas objectiva destruitur: sed quoties actus sit malus & vitiosus ex mala circumstantia, roties bonitas objectiva destruitur: ergo. Min. probatur: quoties actus sit malus ex circumstantia, transit in rationem & conditionem objecti: sed non potest in objecti conditionem transire nisi illud informando & communicando suam malitiam; ergo quoties actus est malus ex circumstantia, roties objectum induit malitiam, ac proinde amittit objectivam bonitatem.

## §. II.

## Solvuntur Objectiones.

Objectiones primæ: Si DEUS homini præcepit 6. imponeret, ut nullum actum supernaturale eliceret, qui dirigeretur in finem charitatis, tunc homo transgrediendo tale præceptum eliceret actum simul bonum & malum moraliter; bonum, quia

N 2

quia esset actus supernaturalis ~~non~~ directus in finem charitatis; malum vero, quia prohibitum: ergo potest dari actus simul bonus & malus.

Respondeo negando possibiliterat hujus præcepti: tum quia non minus implicat, à DEO prohiberi actum essentialiter bonum, quam præcipi malum: tum quia sequeretur, quod DEUS esset author specialis alius actus moraliter mali; et quod nullus actus supernaturalis, adeoque nec ille prohibitus sine speciali auxilio DEI possit elici.

7. Objecies secundò. Qui dat eleemosynam ex fine vanæ gloriae, elicit actum virtutis misericordiae: sed actus virtutis misericordiae est moraliter bonus: ergo non obstante malitia derivata ex fine malo, actus tamen ex objecto est moraliter bonus. Maj. probatur: quia ille est actus virtutis misericordiae, per quam augetur habitus misericordiae, siquidem habitus augetur per proprios actus frequentatos: sed per frequentes largitiones eleemosynæ augetur habitus misericordiae: siquidem constat experientia, quod ex ejusmodi actibus frequentatis aliquis redditur facilior ad indam eleemosynam.

Respond, negando maj. & min. probationis, eji que probationem distinguo: homo ex ipsis actibus frequentatis redditur facilior negativè, in quantum videlicet removentur impedimenta ex parte subjecti remorantia largitionem eleemosynæ, concedo; positive, quasi intrinsecam confortationem & augmentum habitui tribuendo, argo.

8. Objecies tertio. Potest aliquis actus tendens in morum virtutis supernaturalis esse imperatus ex fine venialiter malo, e.g. si quis intendat suscipere Sacramentum aliquod ex fine placendi Superiori, Confessario, &c. sed in hoc casu actus est ex objecto honestus, utpote procedens ex motivo virtutis supernaturalis.

Respond, negando maj. & dico: In tali casu actum internum non esse ex motivo supernaturali, nec proinde supernaturaliter aut moraliter bonus; & ideo licet in eo, qui baptizatur aut confitetur ex fine venialiter malo, voluntas interna sufficiat ad valorem Sacramenti & consequendum ipsius effectum ex opere operari, aliunde nullum ponenti obicem: (is quippe non impedit per veniale peccatum) tamen non potest ipsi conferre ullam bonitatem & dignitatem moralis ex opere operantis.

9. Objecies quartò. Actus, quo impletur præceptum, est bonus: sed potest quis ex fine vanæ gloriae implere præceptum: ergo non obstante finis malitia, ille actus erit moraliter bonus. Maj. probatur primò: quia qui audit Sacrum præceptum ex fine vanæ gloriae, melius facit, quam qui non audit: ergo illa impletio præcepti habet aliquam bonitatem. Deinde si ille actus non esset bonus ex objecto, haberet duplum malitiam, nempe unam ex fine, alteram ex objecto: sed hoc est contra doctrinam D. Th. ergo.

Respond, distinguendo maj. Actus præceptus est bonus, vel formaliter, vel materialiter, concedo; tantum formaliter, nego. Quando enim

præcepta sunt de actibus externis, ut est audi Sacrum, ad corrum impletionem sufficit, actu esse materialiter bonum, sive ut verè ponat substantia externa & physica actus pertinet materiam virtutis præcepta. Quando autem de actibus internis, ut est credere, sperare, diligere, tunc præceptis non satistit, nisi per actus ipsorum virtutum, qui sunt formaliter honesti. Ad primam probat, nego antecedens: non enim melius, sed minus male facit, melius quippe ponit bonum, quod hic nullum est. Ad alteram probat, nego sequel. quia hic non est aliam actionem objecti, quam que ex fine, vel alia circumstantia in objectum refunditur.

### S. III. Corollaria.

Inferes ex dictis primo: Intentionem finis est se bonam vitiari per malam electionem, & bona electionem ex mala intentione, quando intentione cum electione per se connectitur. Ratio utriusque partis est: Actus diffiniri prudentia est malus; sed tam intentio determinans ad electionem mali medii, quam electio boni in medii ad causandum malum finem est difformis dictaminis prudentia: ergo uterqueactus est malus.

Ratio ulterior primæ partis est: Ratio eligendi medium malum & prohibitum est mala, et enim formaliter causa per se influens in peccato: sed quando intentio finis determinat voluntatem ad electionem mali medi, tunc finis est formaliter ratio eligendi malum medium; & ideo iuxta suprà dicta bonus finis initiat ex malo objecto: ergo tunc finis est malus. Sed intentio specificatur à fine: ergo etiam intentio est mala.

Ratio quoque secundæ partis est: quia electio sumit speciem ab objecto & medio in quod determinat; sed medium ordinatum in finem pravum est malum, utpote in executione per se causa peccati: ergo etiam electio est mala. Atque quoties intentio est mala, toties electio per se conjuncta est de medio ordinato in finem malum: ergo toties electio est mala.

Dixi, quando intentio cum mala electione per se connectitur: si enim mala electio per accidens, & solùm ex eligentis malitia, bonam intentionem subsequatur, intentio, cum neque sit formaliter, neque virtutis causa illius malitia, etiam à subsequenti mala electione non vitabitur.

Inferes secundò. Ab intentione boni finis est minimi malitiam prava electione: primò: quia mala electio ex intentione boni finis est minus voluntaria in ratione malitia, quam si electio sit ne malo. Secundò: quia actus ex solo objecto malus, est minus dissentaneus recte rationi quam actus tam ex fine quam objecto malus.

fieres tertio. Si voluntas ex ardenti intentione & finis ira afficiatur, ut etiam mala media amplectenteretur, si illa occurrerent, hoc ipso intentionem esse vitiosam: quia jam fertur in finem ut consequibilem per mala media, & contra dicamen prudentia.